

लहना

व्यवसायिक पत्रकारिता, थौया आवश्यकता

LAHANA WEEKLY

वा:पौ

सा:गु भिंगु मरिचरिया निति
लुमंका दिसँ ।लक्ष्मण गजमाल 'चिलिमि'
प्रोप्राइटर

लाखा छँ

LAKHA CHHEN



सोह्रखुटे, वडा नं. १६, येँ, फोन नं.: ८३६०७५८

थुकि दुने

नेवा:तयगु संवेदनशीलताया सवाल
सानुराजा शाक्य -२श्रीकृष्ण जन्माष्टमि व तानसेन भगवतीया जात्रा
कल्याण मित्र -३मलिका अन्तर्राष्ट्रिय दबुली स्वर्ण पदक त्याकल
प्रजित शाक्य -६

ब्लो-अप

न्हुछेकाजी महर्जन
समाजसेवी

पहिचानया आन्दोलन थरुहट लागां हाकनं सुरु

विद्रोह दिवस, हाकोगु िह हना: आन्दोलनया घोषणा याय्गु योजना

लहना संवाददाता

न्हापांगु संविधानसभा विघटन याना: न्हूगु संविधानसभाया चुनाव जूसानिसें पहिचानया आन्दोलन भर्सेस अखण्डताया आन्दोलन सुरु याय्गु ज्या राजनीतिक दलया नेतातयसं म्हितुगु ख:सा अन्तत: पहिचानया आन्दोलनयात कमजोर याना: निक्व:गु संविधानसभाया निर्वाचन तर्क या:गु आदिवासी जनजातिया न्ह्यलुवातसें सार्वजनिक रुपं धाय्गु याना वयाच्वंगु ख: । न्हापांगु संविधानसभाय पहिचानया आधारय प्रदेश निर्माण याय्मा: धइगु पक्षधर सभासदतयगु बहुमत दुगु अवस्था ख:सा निक्व:खुसी जूगु संविधानसभाय पहिचानया विपक्षय बहुमत दुगु ख: । व हे संविधानसभापाखें संविधान जारी याय्गु प्रक्रिया न्ह्याकूगु अवस्थाय देसय पहिचान पक्षधर व अखण्ड पक्षधरतयगु दथुइ तनाब ब्वलंगु ख: । उकिया छगु उदाहरण धइगु थरुहट प्रदेश पक्षधर व अखण्ड सुदूर पश्चिम पक्षधर नेता कार्यकर्तात थ:ध:गु कथंया नेतृत्व याना न्ह्या: वंगु ख: । अथे सुदूर पश्चिम पक्षधरकथं वर्तमान नेपाल कम्युनिष्ट पार्टी (नेकपा)या नेतातानिसें

आ:या प्रमुख प्रतिपक्ष दलया नेतातयसं तर्क भूमिका म्हितुगु थौतक नं थरुहट थारुवान पक्षधरपिन्सं धाय्गु यानाच्वंगु दु ।

थरुहट प्रदेश अर्थात पहिचान पक्षधर आन्दोलन व अखण्डता पक्षधरतयसं ब्यागलं ब्यागलं कथं आन्दोलन यानाच्वंगु ख: । व हे इलय् जूगु छगु दु:खद् घटना धइगु कैलाली टिकापुर ख: । उगु घटनायात टिकापुर घटना धका: धाय्गु याना वयाच्वंगु दु । २०७२

हंगु दुसा भदौ ९ गते न्हूकथंया आन्दोलन घोषणा याय्गु दिक्कथं नाला: थरुहट थारुवान राष्ट्रिय सम्मेलन या:गु दु । थुगुसी थारु नेतात छगु हे थासय वया: या:गु थुकथंया सम्मेलनया मू मुद्दा धइगु थरुहट थारुवान प्रदेश निर्माण, टिकापुर घटनाय लाना: जेल जीवन हनाच्वनेमा:पिनिसें मुद्दाय जुयाच्वीपिं थारुतयत न्याय बीमाल धका: उगु घटनायात राजनीतिक घटनाकथं कया: राजनीतिक रुपं

राजनीतिक पार्टीया नेता कार्यकर्ता व सरकारया नितिं जक मखु, स्वयं आदिवासी जनजाति, मधेसीनिसें उत्पीडित समुदायया नितिं नं त:धंगु च्याता:या बिषय जुयाब्युगु दु । पहिचानया मुद्दायात थारुतसें आ: गुकथं ल्हवनी धका: स्वयाच्वंगु दु ।

सालया भदौ ७ गते जूगु उगु घटनाय लाना: च्याम्ह प्रहरीत नापं छम्ह सर्वसाधारण मनु याना: गुम्हेसिया ज्यान वंगु ख: । अथे ७ गतेया घटना लिपा ८ गते हे टिकापुरय थारुतयगु छैय छैय आक्रमण याय्गु ज्या जूगु ख: । कपर्चुया दथुइ जूगु उगु घटनायात तसकं अर्थपूर्ण घटनाया रुपय का:गु दु । उकिं थुगुसी थारुतयसं भदौ ७ गतेयात विद्रोह दिवस अले भदौ ८ गतेयात हाकूगु िह धका:

हे समस्या ज्यंकेमा:गु माग या:गु दु । थ्व निगु विषय तसकं गम्भीर विषय ख: । राजनीतिक दलतयगु नितिं जक मखु, स्वयं राज्यया नितिं हे ख: । आ:या अवस्थाय वर्तमान संविधानयात संशोधन मयात धा:सा थरुहट थारुवान प्रदेश दयकेगु म्हगसतकं खंकेफइगु अवस्था मदुसा टिकापुर घटनाया दोषी धयात:म्ह सांसद रेशम चौधरीलिसें भिर्नान्हेसित जन्मकैदया

फैसला ब्युगु दु । उखे संयुक्त राष्ट्रसंघय तर्क थुगु मुद्दा दर्ता जुया: राजनीतिक रुपं समस्या समाधान याय्त निर्देशन तर्क बीधुंकूगु दु । थुगु ल्याखं स्वल धा:सा अन्तर्राष्ट्रिय जगतय नेपाल राष्ट्रसंघया खँ तर्क अस्वीकार यात धका: सन्देश वनाच्वंगु खनेदुसा नेपालय सांसदयात हे जन्मकैद बियात:गु अवस्था दु । थुकथं टिकापुरया उगु घटना नेपा:या नितिं छगु गम्भीर विषय जक मखु, भन्नुभन्नु जटिल विषय नं जुयावंगु दु । थजा:गु हे इलय् थारुतयसं राजनीतिक रुपं राष्ट्रिय सम्मेलन याना: टिकापुर घटना, टिकापुर घटनाया तिथियात लुमंकेगु ज्याइव:लिसें ढलंढ:म्ह थारुत भेला याना: आ:या अवस्थाय थरुहट थारुवानया माग थ्वयकेगु, टिकापुर घटनाय ज्वनात:पिनिगु सवालय राजनीतिक रुपं समाधानया माग याय्गु, पहिचानया नितिं आन्दोलन याय्गुकथंया लकस ब्वलंकेगु धइगु नेपा:या प्रमुख राजनीतिक दलतयगु नितिं त:धंगु खँ जुयाब्युगु दु ।

नेपा:या मू संचार माध्यमपाखें खास हे थाय् मन्बूसां अले राजनीतिक पार्टीया नेतातसें मस्यु पह: यानाच्वंगु जूसं आखिर

त्यं ७ पेजय

'दुरु व ल: छुटेजुइकथं सूचं बीमा'

नेवा: पत्रकार राष्ट्रिय दबू येँ जिल्लाया स्वक्व:गु त:मुँज्यालिसें न्याक्व:गु देँमुँज्या येँय जुल ।

उगु ज्याइवललय् मूपाहाँ कथं भायादीम्ह येँ महानगरपालिकाया मेयर विद्यासुन्दर शाक्यं तथ्यपरक सूचं बिया पत्रकारपिन्सं समाजय योगदान याय्मा:गु खँय ब: बियादील । 'समाजय भ्रम ब्वलंकेगु सूचं मखु । दुरु व ल: छुटेजुइकथं सूचं ब्यूसा स्थानीय तहयात ग्वाहाली जुइ ।' मेयर शाक्यं धयादिल । पत्रकारं महानगरपालिकायात जवाफदेही याकेत निरन्तर खबरदारी नं यायेमागु खँ कनादीसे वयकलं स्वस्थ पत्रकारिता जकं समाजयात स्वस्थ याय्



येँ मनपाया मेयर विद्यासुन्दर शाक्य

फैगु विश्वास कनादिल ।

नेपाल भाषाया पत्रकारिता व नेवा: पत्रकारपिनिगु विकासया नितिं येँ महानगरपालिकापाखें माक्व: ग्वाहाली याय्गु नं वयकलं प्रतिबद्धता प्वंकादिलासा पत्रकारं क्षणीक लोकप्रिय

त्यं ७ पेजय



नेवा: पत्रकार राष्ट्रिय दबू येँ जिल्लाया न्ह्यु ज्यासना पुच:

तान्व:या पासा
कुल्फी
भापिया दिसँ ।
Himalayan Ice
धौ दुरु ध्य: बटर व
क्रिम बजारय उपलब्ध दु
मुयंविनायक नगरपालिका, वडा नं.: १, सिरुटार घन्सार, ख्वप
९८४२३५३७५१, ९८१३३४९०१५, ९८१८६९८७३५

KATHMANDU ORNAMENTS
New Baneswor, Kathmandu, Nepal
Tel: ४४७६७७, ४४८८९९, Fax: ४४७६९९
E-mail: info@kathmanduornaments.com
baneswor@kathmandu.com
Web: www.kathmanduornaments.com

सम्पादकीय



कोथुननि : नेवा: सभ्यताय् जुयाच्वंगु आक्रमण

असनया कोथुननि अर्थात अशोकवृक्ष विहार व विहारय् विराजमान जुयाच्वंगु अमिताभ बुद्ध ल्यंकातयगु नितिं गुथि संस्थानयात घेराउ याना: थीथी थासय् मुंक्कु ल्हा:चिं (हस्ताक्षर) ल:ल्हायगु ज्या जूगु दु। कोथुननि ल्यंकातयगु नितिं जुयाच्वंगु थुगु अभियानयात तिब: बिया: थुकियात थुना विजनेस कम्प्लेक्स दय्केगु गुगु योजना ख:, उकियात खारेज मया:तलय् न्ह्याका यंकेमा:गु थीया आवाश्यकता जुयाच्वंगु दु।

गुथि संस्थानपाखें स्वनिग:लिसें नेपा:या गुथियात निरन्तरकथं न्ह्याका: भ्नीगु पुलांगु सभ्यतायात ल्यंकातयगु नितिं ज्या याय्मा:गु ख:, तर आ:तक स्वयगु ख:सा गुथि संस्थानपाखें भन् थुकियात निरुत्साही याना: गुथिया जग्गा जक मिया: नयगु मखु, आ: वया: प्राचीन विहारयात तकं स्यंका: अन विजनेस कम्प्लेक्स दय्का: धेबाय् मोज यायगु कुत: यानाच्वंगु थ्व छ्गु ज्वलन्त उदाहरण जुयाब्यगु दु।

न्यास:दँ पुलांगु थुगु अशोकवृक्ष विहारया थासय् विजनेस कम्प्लेक्स दय्केगु नितिं बज्रयोगिनी सामान्य बहुउद्देश्यीय प्राइभेट लिमिटेडयात गुथि संस्थानपाखें सम्भौता याय्धुंक्कु दु। थुकिया नितिं गुथि संस्थान, बज्रयोगिनी व श्री बायुदेवता गुथि दथुइ त्रिपक्षीय सम्भौता जूगु ख:। सम्भौताय् गुथि संस्थानपाखे. प्रशासक नारायण चौधरी, बज्रयोगिनीपाखें निर्देशक राजेन्द्र बहादुर गोर्खाली व वायुदेवता गुथिपाखें लीलाविक्रम शाहं ल्हा:चिं तयात:गु दुसा सम्भौताकथं बिजनेस कम्प्लेक्सया भवन निर्देशक दुने दय्के क्वचाय्केगु व व बापत न्यान्यादँतक भोग चलन याय्दइगु ख:। अथे हे थुगु कम्प्लेक्स भोग चलन या:गु बापत गुथि संस्थानयात दँय् च्यागु लख ख्वीद्व:तका पुलेगु नं सम्भौता जूगु ख:। थजा:गु अवस्थाय् थुगु सम्भौता लागू याना: गुथि संस्थान स्थानीय बासीपिन्स न्ह्याका वयाच्वंगु विहारयात स्यंका: आमदानीया श्रोत दय्केगु धइगु थ्व गुलितक पाय्छिगु खँ ख:।

गुथि संस्थानयात विहारय् दुगु परिवार व पस: न्ह्याका वयाच्वीपं बज्राचार्य परिवारपिन्स भूबहालकथं धेबा पुला वयाच्वंगु दु। खयूत ला पुर्खा पलिस्था यानात:गु थुगु विहारया संरक्षण यायगु पलेसा अखतं उगु विहारं गुथि संस्थानयात भूबहाल पुला वयाच्वंगु अवस्थाय् अफ्नं नं थुकियात थुना: विजनेस कम्प्लेक्स दय्केगु ज्या तसकं निन्दनीय ख:।

भूबहाल पुलेगु नियम नं रणबहादुर शाहया पालनिसें शुरु जूगु ख:। अथे धइगु थ्व वि.सं. १९५७निसें भूबहाल पुलेगु ज्या जुयाच्वंगु ख:। तर थुगु विहार भुखाचं स्यंगु इलय् धा:सा भूबहाल कया वयाच्वंगु वायुदेवता गुथिपाखें दय्केगु ज्या जूगु मखु कि अन हे च्वना वयाच्वीपं बज्राचार्य परिवारपाखें दय्का: विहारया संरक्षण याना वयाच्वंगु अवस्था ख:। थजा:गु अवस्थाय् नं भ्नीगु सम्पदायात गुगुकथं सम्बन्धित निकायं आक्रमण याना: नेवा: सभ्यतायात हे न्हंकेगु कुत: जुयाच्वंगु दु, उकिया विरुद्ध सकलें एकताबद्ध व प्रतिबद्ध जुइ हे मा:।

पुरातत्व विभागं तकं थुगु विहार न्यास: दँ पुलांगु धका: प्रमाणित याय् धुंक्कु दु। थुगु विहारय् दुगु अमिताभ बुद्धया मूर्तियात प्रकृतियात अध्ययन याना: पुरातत्व विभागया अधिकृतपाखें न्यास: दँ पुलांगु धका: प्रतिवेदन तकं ल:ल्हाय्धुंक्कु दु। थजा:गु महत्वपूर्ण व सांस्कृतिक सम्पदायात न्हंका: अन विजनेस कम्प्लेक्स दय्केगु ज्यायात गुकथं कायगु ख: भ्नी सकल आदिवासी नेवा:त सचेत जुइमा:गु अवस्था व:गु दु। निश्चित रूपं थ्व 'मनु सित धइगु चिन्ता मखु कि काल पल्के जुल' धइगु ख:। थ्व शुरुवात ख:, यदि थुकियात कया: भ्नी सचेत मजुल धा:सा स्वनिगलय् दुगु आपालं थजा:गु सम्पदाय् मिखा मतइ धका: धाय्फइमखु। गुकिं याना: भ्नीगु सभ्यतातकं न्हनावनीगु अवस्था ब्वलनीगु स्वभाविक ख:।

नेवा:तय्गु संवेदनशीलताया सवाल

थौंया इलय् नेवा: समाजय् नेवा: सांस्कृतिक स्वायत्त अभियान न्ह्यानाच्वंगु दु। तोखा, किपू, पांगा, सक्व नापं थाय् थासय् अले लिपांगु इलय् वया स्वयम्भुइ तकं थुगु कथंया अभियान न्ह्यानाच्वंगु दु। नेवा: सांस्कृतिक अभियानया नितिं संस्थागत स्मं हे नेवा: देय् दबू हलिं नेवा: गुथि, सेभ नेपा: भ्याली व नेवा: राजनीतिक अभियान न्ह्य:ने व:गु धइगु सामान्य खं मखु।



सानुराजा शाक्य

थीथी स्थानीय तगिंया विज्ञापन असमावेशी जुल धका: आदिवासी जनजाति महासंघया विरोध ज्याइव: दुसां लोकसेवा आयोगं थ:गु विज्ञापनकथंया ज्यात याना हे च्वंगु दु। छेवे आदिवासी जनजाति महासंघया विरोध दुसां जागीर

असमावेशी जूगुयात कया: संसदीय समिति या सत्तारूढ दलया सांसदतसें नं विरोध हे याना: विज्ञापन दिक्केत धा:गु ख:। तर विज्ञापन तत्काल दीगु छॉटकाँट धा:सा मडु। थुगु विज्ञापनया विरुद्ध विरोध कार्यक्रम यानाच्वीपं जनजाति नं राजनीतिक दलया लिधंसाय् परिचालित जुइगु जूगुलिं आन्दोलन ता: लाइगु अवस्था मडुगु ख:। जनजाति महासंघया वर्तमान नेतृत्व काग्रेस व समाजवादी पार्टीया बहुमत दु। उकिं आन्दोलनय् नं थ्व हे निगू दलया कार्यकर्तात दइगु स्वभाविक हे जुल। सत्तारूढ दलया जनजाति कार्यकर्तात सतकय् हे वया: थ:गु हे दलया सरकारया विरुद्ध वयगु स्थिति मडु। समाजवादी पार्टीया नेता कार्यकर्तात नं थ्व विरोध जुलुसय् पूर्वक हे वनाच्वंगु खनेमडु। समाजवादी पार्टी नं सत्तारूढ पार्टी जूगुलिं

अप्व: धइथें पहिचान सहितया संघीयता व समावेशीतायात प्राथमिकता बिया: संविधान वय् न्ह्य:तक न्ह्यानाच्वंगु ख:। आदिवासी जनजातितसें क्यनीगु सरोकारय् नेवा:त नं उतिकं हे आबद्ध जुइगु विश्वास जनजातितसें महासंघ इलनिसें हे यानाच्वंगु दु। तर जनजाति महासंघ नेवा:तय् नितिं स्वयां नेवा: बाहेक मेमेगु जनजाति समूहया नितिं ख: ला ? धइगु व्यवहार जुयाच्वंगु खनेदु। उकिं जनजाति महासंघया संस्थापन इलय् बाहेक महासंघया प्रत्येक निर्वाचित केन्द्रीय समिति नेवा:त आ:तक थ्यंगु खनेमडु। जनजातितय्के छ्गु भय छु नं दु धा:सा नेवा:तसें जनजातिया नामं फुक्क भाग नया बी ला धका: नं ग्या, तर जनजातितसें याइगु विरोध प्रदर्शनय् नेवा:तसें त:जिक ब्वति कयाब्यसा ज्यू



लोकसेवा आयोगया विज्ञापनया विरोधय् जनजातितय् विरोध ज्याइव: गुथि विधेयकया विरोध जुइ स्वयां न्ह्य: हे जूगु ख:। गुथि विधेयकं गुलि अ:पुक्क नेवा:तय् भावनायात सतकय् क्वत हया: विधेयक लित काय्केत छ्गुकथं सरकारयात बाध्य याकाबिल। उकथं हे नेवा:तय् सहभागिता लोकसेवाया आरक्षण मडुगु विज्ञापनया विरोध जूगु ज्याइवल्य् दइगु जनजाति अभियानकर्तातय् अपेक्षा ख:, तर व अपेक्षा थौं तक पूवनीगु खनेमडुनि।

नयूत लखौं ल्याय्मह ल्यासेतसें ब्यूगु आवेदन लोकसेवा दुकाय्धुंक्कल। थुकियात पनेगु कुत:या बाबजूद गुलिखे नेवा: व जनजातितसें न आवेदन ब्यूगु दु। आवेदन मब्यूसे बिहफ्कार यायगु अवस्थाय् नं मडु। नेपालभाषा मंका: खलकं ला अफ्नं नेवा: ल्याय्मह ल्यासेतय् लोकसेवाया थुगु विज्ञापनय् ब्वति काय्केत प्रशिक्षण हे सञ्चालन याना: ह:पा: बिल। थ्व दक्वया बाबजूद नं समावेशीताया थुगु मुद्दा ल्यना हे च्वंगु दु। लोकतन्त्रय् थ:थ:गु विश्वासकथं नेपा:या जनजाति थीथी राजनीतिक दलयात समर्थन याइ। उकि मध्ये कार्यकर्ता समर्थक थ:गु राजनीतिक दलप्रतिया आस्था अ:पुक्क हिली मखु। तर सर्वसाधारण जनताया मत परिस्थितिकथं हिलाच्वनी। उमिगु मत न्ह्याबलें छ्गु हे दलप्रति जुयाच्वनी मखु। तर नेपा:या कन्टेस्टय् सर्वसाधारण जनताया थ:पिन्सं तयाच्वनागु दलप्रतिया समर्थन हिलेगु नितिं विश्वास त्याके धा:सा अ:पु मजु।

सन्दर्भया जनजातितसें लोकसेवाया असमावेशी विज्ञापनया विरुद्धया विरोध कार्यक्रम यात। लोकसेवाया विज्ञापन सतक आन्दोलन याना: थ:गु सरकारया विरोध यायगु कम्प्यूजनय् नेता कार्यकर्तात विभाजित जुयाच्वंगु खनेदु। संघीयता कार्यान्वयन याय्गु फुक्ककथंया औजारत दय्केगु हे क्रमय् दुगुलिं स्थानीय सरकारयात मा:गु कर्मचारीत भर्ना यायगु नितिं लोकसेवाया केन्द्र मार्फत विज्ञापन याना: पूर्ति याय्मा:गु कारणं आरक्षणयात शतप्रतिशत थ्व विज्ञापनय् कार्यान्वयन याय् मफइगु अवस्था पिदंगु ख:। लोकसेवाया थ्व बाध्यतायात छ्गु पक्षं सरकारया विरोधया ज्याइव: दय्केगु कुत: याय्गु स्वयाच्वंगु दुसा छेवे संविधानकथं बियात:गु समावेशिता आरक्षण मदय्के मा: धाइपिन्सं समावेशी आरक्षणयात कार्यान्वयन मयाकेगु थ्व हे ह्व:ता: ख: धका: दम तयाच्वीपं नं दु। थुमित विज्ञापन विरुद्ध अदालतं अन्तरिम आदेश बीम्वा:गु निर्णय वय्धुंका: अफ्नं अप्व: उत्साहित जुल। आरक्षणया विरुद्ध नेपाल कम्यूनिष्ट पार्टी (नेकपा)य् जक मखु, काग्रेसय् उतिकं विरोध याइपिं दु।

आदिवासी जनजाति समूह दुने नेवा:त नं दुथ्या:। आदिवासी जनजाति आन्दोलन

धइगु चाहना नं दु। तर आदिवासी जनजाति महासंघया कम हे जक विरोध प्रदर्शनय् नेवा:तय् उच्च सहभागिता खनेदु। मखु धइगु ख:सा जनजातियगु आन्दोलनय् नेवा:तय् सहभागिता धइगु सांकेतिक रूपं हे जक ता: लानाच्वंगु दु।

लोकसेवा आयोगया विज्ञापनया विरोधय् जनजातितय् विरोध ज्याइव: गुथि विधेयकया विरोध जुइ स्वयां न्ह्य: हे जूगु ख:। गुथि विधेयकं गुलि अ:पुक्क नेवा:तय् भावनायात सतकय् क्वत हया: विधेयक लित काय्केत छ्गुकथं सरकारयात बाध्य याकाबिल। उकथं हे नेवा:तय् सहभागिता लोकसेवाया आरक्षण मडुगु विज्ञापनया विरोध जूगु ज्याइवल्य् दइगु जनजाति अभियानकर्तातय् अपेक्षा ख:, तर व अपेक्षा थौं तक पूवनीगु खनेमडुनि। छ्गुकथं जनजाति व नेवा:तय् दथुइ 'ग्याप' दु। आरक्षण मुद्दा, समावेशीता, संघीयतायात कया: स्वयां नेवा:तसें जात्रा पर्व, गुथिनाप स्वाइगु मुद्दाय् तुरुन्त व सशक्त दवाब ब्यू अर्थात नेवा:त जातीय राजनीति स्वयां सांस्कृतिक पक्षया संवेदशीलता यक्व दुगु समुदाय खनेदत।

त्वमिपिन्त इनाप

लहना वा:पतिइ लेख, रचना, रिपोर्ट व समाचार छ्वयादीफइ। छिकीपिंसं छ्वयादीगुयात थुगु वा:पतिइ थाय् बियाच्वना। पिदंगु च्वसुयात उचित पारिश्रमिक बीगु नं सुचं बियाच्वना।

लहना वा:पौ
भोर्छे, यें

lahana.news@gmail.com

श्रीकृष्ण जन्माष्टमि व तानसेन भगवतीया जात्रा



कल्याण मित्र

भगवान श्रीकृष्ण थव जगतया उत्पत्ति, स्थिति व प्रलयया कारक खः । श्रीकृष्ण सच्चिदानन्द स्वरूप खः । थजाःम्ह भगवान श्रीकृष्णया सर्कासिन वन्दना याय्माः, हनेमाः धकाः शास्त्रय् वर्णन यानातःगु दु ।

थ्यमथ्यं ५२०० दै न्ह्यः भाद्र कृष्ण अष्टमि कुन्हु रोहिणी नक्षत्रय् उत्तर भारतया शुरसेन नांयागु देसया राजधानी मथुराया झ्यालखानाय् चान्हय् १२ताः इलय् बासुदेवया तिरिमय्जु देवकीया गर्भ परब्रह्म परमेशवरया पूर्ण अंश कयाः श्रीकृष्ण अवतारया रूपय् जन्म जुयाः अवतरण जगु खः ।

श्रीकृष्णयात महाभारत युद्धया मूपात्रकथं कयातःगु दु । अतिकं कुटनीति याय् सःम्ह श्रीकृष्णयात धूर्त व छलीया रूपय् न नेवाः समाजय् कयातःगु दु । छा्य् धाःसा यैयाम्ह किराती जुजु यलम्बरयात महाभारत युद्ध स्वःवंबलय् कृष्ण छल यानाः यलम्बरया छ्यं पालाब्युगु खः धाइ । कौरव व पाण्डवतय् दथुइ जगु युद्धय् सु बुइ, वयागु हे पक्षय् त्वाय् धकाः नेपाल युद्ध मैदान कुरुक्षेत्र वम्ह जुजु यलम्बरं ब्रम्हपाखें युद्ध म्हिताच्वन धाःसा महाभारत युद्धया अन्त्य हे मजुइगु ताय्काः कृष्ण छल यानाः जुजु यलम्बरया छ्यं पालाब्युगु खः धाइ । अन्तिमय धाःबलय् यलम्बरयात पालेधुंकूगु छ्यं छाल आकाशमार्गय् च्वनाः युद्ध स्वयगु त्वःताः ब्युगु खः । महाभारतया युद्ध लिपा जुजु यलम्बरया छ्यं ब्वयाः थौकन्हय्या वंघः (उगु इलय् बागमति व विष्णुमति या दाभान दुगु खः ।)य् कुतुं वःगु खंकाः जनता सकलें जानाः भीगु जुजु छ्यं धकाः म्हसीकाः सम्मानपूर्वक वयागु हे मूर्ति दय्काः देगः पलिस्था यात । उगु इलय् थव थाय् यात ह्वंगः धाइगु खः । ह्वंगःया हे वंघः धयाहःगु खः । यैयाःया इलय् देगःया न्ह्यःने आजुद्यः ब्वयाः हनेगु याइ । आजुद्यःया छ्यं ब्वयाः तइबलय् मूर्तिया म्हुतुइ स्वानातःगु पापा हाथु हाय्केगु धकाः थ्व हाय्केगु याइ ।

दैयदसं कृष्णाष्टमि कुन्हुथीथी ज्याइवः व जात्रा यानाः



हना वयाच्वम्ह कृष्णयात द्वारप युगनिसें हना वयाच्वंगु खः धाइ । तर नेपालय् धाःसा ने.सं. ७५७य् जुजु सिद्धिनरसिंह मल्लं ल्वहं हे ल्वहतं जक दय्कगु २१पु गजु दुगु विश्वय् नांजाःगु कृष्ण देगः यल लाय्कू न्ह्यःने पलिस्था याय्धुंकाः श्रीकृष्णया महिमा व महत्व अप्चया वंगु खः ।

कृष्ण देगः दुने महाभारत व रामायणया थीथीकथंया किपा अतिकं कष्ट यानाः कलात्मक ढंग ल्वहंतय् कयातःगु दु । अथेतुं देगःया प्यखेरं ल्वहंया विष्णुया दश अवतार मत्स्य, कुर्म, बराह, नृसिंह, बामन, परशुराम, राम, कृष्ण, बुद्ध व कल्कीया कवितात्मक भावय् पलिस्था यानातःगु दु । कृष्ण देगः दुने मू द्यःकथं कृष्ण व सत्यभामाया मूर्ति दु । नेपाःया मौलिक लिपि रञ्जना लिपिइ थीथी घटनाया विवरण देगलय् च्वयातःगु दु । श्रीकृष्ण जुजु सिद्धिनरसिंहयात जिगु व सत्यभामाया मूर्ति पलिस्था यानाः देगः दय्की धकाः आज्ञा जगुलिं गुरु हरिवंश उपाध्यायया सल्लाहकथं मूर्ति पलिस्था यानाः देगः दय्काः तःधंगु मेला न्ह्याकूगु खः । कृष्ण देगलय् कृष्णाष्टमि कुन्हु चिच्छ जाग्राम च्वनाः भक्तजनतसें पूजा, पाठ, भजनकीर्तन याइ । सुथय् राष्ट्र प्रमुख नं घःया दर्शन याय्त वइगु व भक्तजनत म्वःम्वः जुइगुलिं कृष्ण देगलय् तःधंगु मेला हे जुइ । कृष्णाष्टमि कुन्हु चान्हय् यलय् त्वाःत्वाः पतिकं कृष्णया खः जात्रा याइ ।

श्रीकृष्णया थीथीकथंया लीला लुमान्तकथं कृष्णाष्टमि कुन्हु कृष्णया देय्च्यं क थीथी ज्याइवः

यानाः हनी । ख्वपय् नं त्वाःपतिकं राधाकृष्ण व कृष्णया बाललबीला ब्ययगु याइसा दत्तात्रयस भक्तजनतयगु तसकं भीड जुइगु खः ।

कृष्णाष्टमि कुन्हु कृष्णया जन्मनिहकथं मू पर्वया रूपय् हनेगु इवलय् यैया थंबही दुगु ब्रह्मराजकुमारी राज सेवा केन्द्र, कृष्ण प्रणामी इस्कोन, भुइजःसि, कृष्ण सेवा केन्द्र, इमाडोल, रामकृष्ण बेदान्त समाज, यल, साइबाबा केन्द्र, नक्साल, तोखा, सक्वालिसें थीथी थासय् कृष्णया खः जात्रा, कृष्णया भाँकी दय्काः ब्वज्या यासें नगर चाःहिकी ।

अथेतुं कलात्मक विशाल देग मजुसां यैया लाय्कू न्ह्यःने च्यासः च्याकुं लाःगु कृष्ण देगः दय्कातःगु दु । ने.सं. ७६९य् जुजु प्रताप मल्लया ३०म्ह लानित मध्ये अतिकं यःपिं निम्ह राजमति व अनन्तप्रिया छक्कल दिवंगत जुयाः दुःख ताय्काच्वम्ह जुजुं थःत कृष्ण व लानिपिन्त राधिकाया प्रतीककथं चिचीधंगु कलात्मक मूर्ति दय्काः च्यासिं कृष्णया खः जात्रा न्ह्याकूगु खः । तर दैयदसं जुया वयाच्वंगु श्रीकृष्णया खः जात्रा छुं दै न्ह्यः दिनाच्वंगु खः । लिपा काठमाण्डौ दरबार स्ववायर क्लिनिङ्ग क्लबया नायः राजेश प्रसाद श्रेष्ठया सक्रियताय् ने.सं. १११७ (वि.सं. २०५४) सालनिसें धिमेबाजलिसें कृष्णया खः जात्रा न्ह्याका वयाच्वंगु दु ।

थथे थीथी ज्याइवः यानाः कृष्णाष्टमि देय्च्यं हनी । घःला समाजया अध्यक्षताय् दैयदसं नाग पञ्चमि कुन्हु

न्ह्याइगु भतिगा आजु लाखे प्याखं टेकू सबलबहालय् कृष्णाष्टमि कुन्हु क्वचाइ ।

ने.सं. २६२स मरुसतः छमा सिमाया सिं दय्केधुंकाः ल्यंदुगु सिं दय्कू सिंल्यं सतः जुयाच्वन । तर अन छुं नं घः धाःसा मतःगु जुयाच्वन । ने.सं. १०४०य् सिंल्यं सतः लिक्क च्वुं तहबिलय् च्वम्ह घमना साय्मिया छैय् मिं नयाः न्ह्यु छै दय्केत जग म्हुबलय् प्या ल्हाः दुम्ह कृष्ण नाराद्यःया धातुया मूर्ति लुयावःगु जुयाच्वन । उबलय्या राणा सरकारयाके स्वीकृति कयाः व लुयावःम्ह कृष्ण नाराद्यःया मूर्ति पलिस्था यानाः प्यखें कुंनय् ब्वयाच्वम्ह सिंह दय्काः सिंल्यं सतः दय्कगु जुयाच्वन । व हे सिंल्यं सतःया नां सिंहसतः जूवंगु खः ।

थथे देय्च्यं कृष्ण जन्माष्टमि हनाच्वंगु इलय् नेवाःतय् बरिस्त दुगु पाल्पा तानसेनय् धाःसा रणउजेश्वरी भगवतीयात मेय् बलि बियाः खः जात्रा याइ । भगवती माहिषासुर दैत्य बध याःगु लसताकथं मेय्, हैय्, दुगु, फैं, खा बलि बियाः दाफा भजनीलिसें रणउजेश्वरी देवीया तःजिक चिच्छ जात्रा याइ । कन्हय् गुंलागा नवमि कुन्हु चिच्छ देवा ज्वीपिं, घःखः क्ववीपिं व जात्राय् ब्वति कयाः ग्वाहालि याःपिं सकसितं भगवतीयात भोग ब्युगु मेय्या ला तयाः भव्य नकी । भव्य नकेधुंकाः घःखः क्वब्युपिन्त बेताली चिकाः ह्याउंगु क्वखा तय्काः सिन्हः तीकाः न्हिनय् रणउजेश्वरी देवीया सिन्हः जात्रा याइ । थव जात्राय् प्रहरी सलामी बियाः तोप मुइकाः बधाई बी । ढोलक, झ्यालि, पञ्चेबाजा, धाःबाजं थानाः देय् परिक्रमा याइ । थव भगवतीया जात्रा अंग्रेजनाप जगु युद्धनाप स्वापू दुगु जुयाच्वन । ई.सं. १७३४ निसें १७९७तक नेपाः व अंग्रेजया दथुइ युद्ध जूबलय् पाल्पाम्हा बडा हाकिम कर्णेल उजरीसिंह थापां तानसेनयाम्हा भगवतीयाके प्रार्थना याःगु जुयाच्वन, युद्धय् त्याके फूसा राजकीय सम्मानकथं जात्रा हनेगु धकाः । भगवतीया थुलि प्रार्थना याय्धुंकाः कर्णेल उजरीसिंह थापां बुटवलया तिनाउ खुसि वारी दुगु माणिमुकुन्द सेनया पुलांगु भन्नावशेष दरबारयात किल्ला दय्काः निक्वःतक अंग्रेज जनरल उडयात युद्धय् बुकेत ताःलात ।

ई.सं. १८१६ मार्च ३ तारिख कुन्हु सुगौली सन्धी जुइधुंकाः भगवतीया चिकिचाधंगु देगःयात तःधंक दय् काः राजकीय सम्मानकथं जात्रा न्ह्याकूगु खः धाइ । अंग्रेजनाप युद्ध यानाः त्याकाः उजरीसिंह पलिस्था याःगु घः जुयाः रणउजेश्वरी नां जूवंगु खः धाइ । थव रणउजेश्वरी भगवतीया जात्रा पाल्पा देय्या हे मौलिक परम्परागत जात्रा जूवंगु दु । थवकुन्हु हे थन काजी अमरसिंह थापां न्ह्याकूगु लक्ष्मीनाराद्यःया खः जात्रा नं ब्यागलं न्ह्याका वयाच्वंगु दु ।

(क) व्यापारी त्यासा
(ख) हायरपचेज त्यासा
(ग) आवासीय त्यासा

(घ) शेयर त्यासा
(ङ) मुद्दी रसिद धितो त्यासा
(च) क्रमिक निक्षेप त्यासा

मिलन बहुउद्देशीय सहकारी संस्था लि.
ह्वनाछै, पाको, न्हूसतक, यै, नेपाः
फोन ल्याः ४२३१०३६, ४२२२०६५, ४२१६१६७, फ्याक्स : ४२१६१६७

राम प्रजापति
प्रोवाइटर

हारती मिठाई भण्डार
(रुच्छ शाफाठारी)
कालिमाटी चौक, टंकेश्वर मार्ग, काठमाडौं ।
फोन नं. : ४२७२१९९, मो. ९८०३९८०६९९

यहाँ:-विवाह, व्रतबन्ध, पाटी, पिकनिक, तथा अन्य शुभ कार्यको लागि अर्जर अनुसार मिठाईको व्यवस्था गरिन्छ ।

बिचाः हाय्का

बुदि
वि.सं. २००८
मदी २०

मदुगु दि
वि.सं. २०७६
साउन ३२

थुगु समितिया भिं चितामि, वरीष्ठ कलाकार
सुमद्रा अधिकारी
७२दैय आकाभाकां मदुगुलिं वय्कःया आत्मा सुखावती भूवनस बास लाय्मा लिसें दुःखं कःपिं सकल छैजःपिन्सं धैर्यधारण याय् फय्मा ।

राजा शाक्य, नायः
डल्लु आवास स्थानीय सहयोग समिति
डल्लु आवास, स्वयम्भू, कामपा-१५, यै





चुइकाजी महर्जन
समाजसेवी
किपा: नुपेन्द्रलाल श्रेष्ठ

चुइकाजी
SABANA WEEKLY



नां : चुइकाजी महर्जन

मां : दशमाया महर्जन

अबु : भीममाया महर्जन (कान्छी मा)

जहान : कुलनारायण महर्जन

बुर्दि : सानुमैया महर्जन

शायबायु : ने.सं. १०८५ गुलागा आमाइ

(२०२२ भाद्र, ०९ अगष्ट २५, १९६५)

शिक्षा : इत, येँ महानगरपालिका-१८

(शौकन्ध्य खुसिबुँ, येँ मनपा वडा-१७)

प्रमाण-पत्र तह

आबद्ध संघसंस्था

वडाध्यक्ष : येँ महानगरपालिका, वडा ल्या: १८

वडा दुजः : येँ महानगरपालिका वडा ल्या: १८
(२०५४-२०५९)

कजि : सम्मदा व पर्यटन समिति, येँ महानगरपालिका

नायः : काग अजिमा खलः संरक्षण समिति, यतखा त्वा: येँ,

नायः : तामिसपाखा सामुदायिक अध्ययन केन्द्र
येँ महानगरपालिका-१८

नायः : नेवा: देयु दबु, येँ जिल्ला समिति

(२०६७-२०७३)

नायः : पुष्पलाल स्मृति केन्द्र, येँ

मुख्याब्जे : ज्यापु महागुधि, केन्द्रीय समिति

(२०७०-२०७३)

दुजः : ज्यापु महागुधि नेपा:

केन्द्रिय समिति सचिवालय

दुजः : नेवा: देयु दबु, केन्द्रिय समिति सचिवालय

दुजः : नेपाल कम्युनिष्ट पार्टी (नेकपा)

येँ जिल्ला कमिटी सचिवालय

जः : लायन्स क्लब अफ काठमाडौं फेलोशीप, ३२५ ए २

कृति

नेपालभाषा म्ये सि.डि. च्चसा पिच्चु:गु स: (ने.सं. ११२८)

नेपालभाषा म्ये सि.डि. च्चसा पिच्चु:गु स: भिन्तुना (ने.सं. ११३४)

बाखं सफु श्रद्धाञ्जली (ने.सं. ११३९)

भ्रमण :

जापान, चीन, कतार, सिङ्गापुर, बंगलादेश, थाईल्याण्ड,

हङ्कङ्ग, सिक्किम आदि

रञ्जना लिपि प्रवर्द्धन अभियान क्वचाल



नेपाल लिपि गुथिया स्वलाया रञ्जना लिपि प्रवर्द्धन अभियानय ग्वाहालि यानादीपिन्त यैय छ्गु तःजिगु ज्याइवः यासै हनाबना याःगु दु ।

गुथिया नायः निरञ्जन ताम्रकारया अध्यक्षताय पवित्र कसाल न्ह्याकादीगु उगु ज्याइवलय गुथिया संरक्षक जनकवि दुर्गालाल श्रेष्ठ मूपाहाँकथ भायादीगु खः ।

ज्याइवलय रञ्जना लिपि प्रवर्द्धन अभियानय ग्वाहालि यानादीमह प्रदेश ३या सांसद माननीय राजेश शाक्ययात मूपाहाँ श्रेष्ठ हनापी लःल्हाःगु खः । अथे हे नेपाल लिपि व रञ्जना लिपिया प्राविधिक व डिजिटल ज्याइवः व एप दयकेत ग्वाहालि यानादीपि व रञ्जना लिपि क्यालिजात्रा अभियानय ग्वाहालि यानादीपिन्त नं सुभाय

देखासे हंगु खः ।

प्रदेश ३या सांसद राजेश शाक्य, रञ्जना लिपि प्रवर्द्धन अभियानया निति विशेष आर्थिक ग्वाहालि यानादीगु खःसा आनन्द कुमार महर्जन नेपाल लिपि ट्यूटोरियल भिडियो, नेपाल लिपि व रञ्जना लिपि एप, रञ्जना लिपि क्यालिजात्रा, पवन राजा महर्जन नेपाल लिपि व रञ्जना लिपि एप, अश्लेषा महर्जन नेपाल लिपि ट्यूटोरियल भिडियो, सुयोग्य रत्न ताम्रकार नेपाल लिपि व रञ्जना लिपि एप नाप रञ्जना लिपि क्यालिजात्रा, मच्छिन्द्र क्लब रञ्जना लिपि क्यालिजात्रा अभियानया निति आर्थिक ग्वाहालि, समीर कर्माचार्य रञ्जना लिपि युनिकोड फण्ट दयकाः, सुनिता डंगोल रञ्जना लिपि क्यालिजात्राया निति संयोजन यानाः ग्वाहालि यानादीगु खः ।

रञ्जना लिपि क्यालिजात्रा अभियानय विक्की बज्राचार्य, जयन्द्र राजभण्डारी, लुमिन ताम्रकार, सशाङ्क श्रेष्ठ, प्रमिला ताम्रकार, बिद्यासागर तुलाधर, लालिमा (लुमु) श्रेष्ठ, विशाल राजभण्डारी, बिकासमान शाक्य, रजनी श्रेष्ठपिन्स ग्वाहालि यानादीगु खः ।

ऐतिहासिक नृसिंह जात्रा



सक्व नृसिंह जात्रा तःजिकः हन

गुपुन्हिया लसताय सक्वय नं नृसिंह जात्रा तःजिक हन । थुगु जात्रा साःखा त्वाःया बलपुलिं सुरु जुगु खःसा सक्वया मार्घ धलं दंकीमह बाज्या हे नृसिंह घः जुयाः बिज्याकिगु तजिलजिकथं सुधन राजोपाध्याय जुयादिल ।

न्ह्यःन्ह्यः प्रल्हाद ज्वजलपा यानाः सक्व देयन्क लिखतं पलाः छिनाः देय चाःह्यु खः । थुगु नृसिंह घः सक्वया बलपुलिं नं पिहां बिज्याकाः साःखा त्वाः, चलाखु त्वाः, शन्त्वाः, वःसिमाक्व, ईपात्वाः, इल्ला त्वाः, पुखुलाछि, धुल्ला त्वाः जुयाः बलपुलि थ्यंका जात्रा क्वचाःगु खः ।

जात्राया इवलय देशवारं केगु छानाः नृसिंह व प्रल्हादयात पुजा याःगु खः । नृसिंहया जवखं लक्ष्मी व सरस्वतीया नापनापं नृसिंहया ल्यूने हिरण्यया व हिरण्यकश्यप दैत्य नृसिंहया जँय खिपतं हिनाः दैत्यपिन्त लुया यंकीगु लू स्वय दइगु खः ।

मल्ल जुजु सिद्धिनरसिंहया पालनिसें न्ह्याना वयाचंगु ऐतिहासिक नृसिंह जात्रा क्वचाल ।

यलया स्वनिमह त्वालय हनुमान ननिइ नृसिंहयात विशेष तान्त्रिक पूजा यानाः न्ह्याःगु थुगु जात्रा यलया थीथी थासय चाःहिलाः हाकनं स्वनिमह थ्यंकाः क्वचाःगु खः ।

यलया खुगू कूलया राजोपाध्याय समुदायया थकालिम्हेस्यां पालपाःया आधारय दक्व व्यवस्थापनया जिम्मा कयाः नृसिंह जात्रा न्ह्याइगु खः । थुगु पालय स्वनिमहया हेरम्बराज राजोपाध्यायया छँजःपिनिगु जिम्माय थुगु जात्रा न्ह्याःगु खः ।

नृसिंह जात्राया इवलय बाज थाणाः प्रत्यक्ष भजनलिसें नृसिंह, लक्ष्मी, सरस्वती, भक्त प्रल्हाद यलया गाःबहाः, पिम्बहाः, बंगलामुखी, क्वबहाः, मंगलबजाः, लुँहिति, इकुबहाः, महाबौद्ध, तंगः, तिच्छुँगल्ली, हौगः, इखालखु, पुञ्चलीइ चाःह्युगु खः ।

कार्तिक प्याखनय पिहां वइगु नृसिंह घः उगू रूप काइ । भाद्रय पिहां वइगु थुगु नृसिंहयात शान्त स्वभावया रूप कयातःगु दु । ने.सं. ७५१ निसें थुगु जात्रा निरन्तर न्ह्याना वयाचंगु लिखित दस्तावेज दु ।



दैत्यपिन्त मस्तयूसं भागि यात धाःसा अरिं चाइगु, ग्याइगु व सिकं थीगु ल्वचं मुक्त जुइ धइगु बिस्वास यानातःगु दु । सक्वय च्वपिं हिन्छी घालानाः तुफि बै पुरगु, पुजा यायगु, धौसगं ह्वलेगु यानाः इवःइवः छुनाः नृसिंह घःया न्ह्यःन्ह्यः वनीसा ल्यूने नारायण भजन मण्डल म्ये हालाः वनीगु चलन दु । लँय सकसितं घःया प्रसाद धकाः सगं इना बीगु चलन दु ।

नेवाः तजिलजि च्वन्ह्याकेत तिबः जुइगु किपाःयात सिरपाः



नेवाः तजिलजि संरक्षण, संबर्द्धन व प्रवर्द्धन याइगु किपाःयात पुरस्कृत यायगु तातुनां वरिष्ठ फोटो पत्रकार एवम् नेवाः पत्रकार राष्ट्रिय दबू यै जिल्लाया निवर्तमान नायः नातिकाजी महर्जन अक्षय कोषया निति छ्गु लख व नीन्यादःतका दां लःल्हानादिल ।

वरिष्ठ फोटो पत्रकार महर्जन अक्षय कोषया निति उगु दां नकातिनि नीस्वंगु विष्णु नाति फोटो पत्रकारिता पुरस्कार कोषया नायः सञ्चारकर्मी दानदास श्रेष्ठयात नेवाः पत्रकार राष्ट्रिय दबू यै जिल्लाया न्याक्वःगु

साधारण सभा व स्वक्वःगु अधिवेशनया दथुइ मूपाहाँ यै महानगरपालिकाया प्रमुख विद्यासुन्दर शाक्य, विशिष्ट पाहाँ नेपाल ललितकला प्रज्ञाप्रतिष्ठानया उपकुलपति वरिष्ठ फोटो पत्रकार गोपाल चित्रकार व नेवाः पत्रकार राष्ट्रिय दबूया केन्द्रीय नायः श्रीकृष्ण महर्जनया उपस्थितिइ लःल्हानादीगु खः ।

भिन्त्यादः तकाया उगु सिरपाः दँयदसं बहीघः ब्वइगु दिनस न्हाप, ल्यू लियांल्यु व हःपाः यानाः प्यमह फोटो पत्रकारयात हनीगु कोषया नायः दानदास श्रेष्ठ कनादिल ।

सम्पदा दयकेत संघया पदयात्रा जुइगु

ललितपुर उद्योग वाणिज्य संघया ग्वासालय थ्व हे असोज ४ गते सम्पदा क्षेत्रया पदयात्रा याइगु जुगु दु ।

'भीगु सम्पदा भीसं हे दयके ।' धइगु नारालिसें उगु पदयात्रा जुइत्यंगु खः । संघया न्ह्यलुवाय विश्वसम्पदाया धलखय दुथ्याःगु यल लायकूया भिद्यःया देगः पुनःनिर्माण जुयाचंगु खँय थुगु नारा क्वःछ्युगु संघं न्ह्यथंगु दु । पुनःनिर्माणय माःकथं ग्वाहालिया निति सार्वजनिक आह्वान यायत उगु ज्याइवः तःगु नं नायः कृष्णलाल महर्जन पत्रकारपिन्त जानकारी बियादीगु दु ।

उगु पदयात्रा यल दरबार लागपाखे न्ह्याइ । उगु यात्रा ग्वाको, इमाडोल, थसि, लुभु, जल, धापाख्यः, सुनागुथि, बुंग जुयाः खोनाय थ्यंकाः क्वचाइ । पदयात्रा थ्यंमथ्यं १९गु किलोमीटर दु । थुकिं पर्यटन वर्ष २०२०या प्रचारात्मक अभियानय तकं तिबः बीगु संघया विश्वास दु ।

पुनःनिर्माणया निति लुँया जलप तयगु बाहेक ४गु करोड ९३गु लखतका तुइगु अनुमान याःगु दु । ललितपुर उद्योग वाणिज्य संघं 'सीड मनि'कथं १०गु लखतका तयाः पुनःनिर्माण ज्या न्ह्याकूगु खः ।

पहिचानया...

टिकापुरया थुगुसी जुगु सम्मेलन छु जुइगु खः ? व सम्मेलनं गजाःगु निर्णय याइगु खः धकाः सकलसिगु च्यूताःया विषय जुयाचंगु दु । राजनीतिक पार्टीया नेता कार्यकर्ता व सरकारया निति जक मखु, स्वयं आदिवासी जनजाति, मधेसीनिसें उत्पीडित समुदायया निति नं तःधंगु च्यूताःया विषय जुयाचंगु दु । पहिचानया मुद्दायात थारुतसें आः गुकथं ल्हवनी धकाः स्वयाचंगु दु । संभवत आः हाकनं पहिचानया मुद्दा थरुहट थारुवान लागं सुरु जुइगु पहिचानया आधारय प्रदेश दय केमाःगु सः तयाः सविधान संशोधनया पक्षय मत तयाच्वीपं मनुतसें आशा यानाचंगु दु । टिकापुरया सम्मेलनयात पहिचानया मुद्दा ल्हवनेगु निति मेगु कथंया आन्दोलनया रूप तकं तायकाचंगु खनेदु ।

'दुरु व लः...

जुइत भ्रम, उतेजना ब्वलके मज्यगू नं बिचाः तयादिल ।

उगु ज्याइवलय प्रदेश सभा दुजः राजेश शाक्य नेवाः पत्रकार राष्ट्रिय दबूया भवन दयकेत ग्वाहाली यायगु मनसुवा प्वकादिल । 'जग्गा दुसां भवन दयकेत प्रदेशपाखे धेबा हयगु जुइ ।' प्रदेश सांसद शाक्य धयादील ।

ज्याइवलय मेमह प्रदेश सांसद जीवन डंगोल नं थमह माःगु कथं ग्वाहाली यायगु बचं बियादिल ।

ज्याइवलय विशेष पाहाँकथं वरिष्ठ फोटो पत्रकार गोपाल चित्रकार, पाहाँकथं प्रदेश ३या सांसद राजेश शाक्य, जीवन डंगोल व पत्रकार दबूया केन्द्रीय नायः श्रीकृष्ण महर्जनपिन्स थःगु न्वचु तयादिगु

खः । दबूया नायः नातिकाजी महर्जनया सभाध्यक्षताय जुगु उगु ज्याइवलय छ याञ्जे प्रजीत शाक्य लसकुस यानादीगु खःसा न्वकू रेखा शाक्य ज्याइवः न्ह्याकादीगु खः ।

उगु मुँज्या अर्विन्द्रमान सिंहया अध्यक्षताय न्हूगु ज्यासना पुचः नं ल्यःगु दु । न्हूगु ज्यासना पुचलय न्वकू प्रवीण महर्जन प्रजापति, छयाञ्जे रत्नकाजी महर्जन, ल्यू छयाञ्जे शरणहरी डंगोल व बिनिता खड्गी, दांभरि राजेन्द्र मानन्धर 'नीलः'यात ल्यःगु दुसा दुजलय शैलेश कुमार डंगोल, राजेन्द्र मानन्धर, रेखा शाक्य, रोजिता बुद्धाचार्य, मनोजरत्न शाही, बिजयकुमार सिंह, सहयोग रञ्जित, किचः सिंह ज्यापु व विमला मानन्धरपिन्त निर्बिरोधकथं ल्यःगु दु ।

जनताको पीर मर्का सुन्न र रचनात्मक सुभावरू ग्रहण गर्न नेपाल सरकार सधैं तत्पर र जागरुक छ । साथै समस्या निराकरण गर्न सुभावको अपेक्षा पनि गर्दछ ।



नेपाल सरकार

सञ्चार तथा सूचना प्रविधि मन्त्रालय सूचना तथा प्रसारण विभाग

यँया: स्वयं नितिं बिदेशी मेयरपिं वड्गु

वड्गु यँया: विशेष जुड्गु जूगु दु। यँ महानगर अन्तर्राष्ट्रिय सम्बन्ध सचिवालयकथं यँया: स्वयं नितिं महानगरया भगिनी सम्बन्ध दुगु खुगु देसया १३गु अन्तर्राष्ट्रिय नगरपाखे ५म्ह मेयरलिसे ४८म्ह पाहाँपिं वड्गु जूगु दु।

महानगरया बबनाय् पाहाँपिं चीनया लहासाया मेयर गुहेओ गुहेओ, बङ्गालादेशया ढाका साउथ सिटी कर्पोरसनया मेयर मोहम्मद सहिद खोकन, भुटानया थिम्पु नगरया मेयर किन्ले दोर्जे, भारत इष्ट दिल्ली



म्युनिसिपल कर्पोरसनया मेयर अञ्जु कमलकान्त व नर्थ दिल्ली म्युनिसिपलपाखे मेयर सरदार अभतार सिंहया नेतृत्वय् जात्रा स्वयं नितिं यँय् वड्गु जानकारी ब्युगु दु। अथे हे, चीनपाखे सियान, छेन्डु,

सेञ्जेन, नान्जिन व लाञ्चाउ नगर, जापानया मात्सुमोतो नगर, संयुक्त राज्य अमेरिकाया फेडेरिकबर्ग व बोल्डर नगरपाखे उच्च अधिकारीया नेतृत्वय् जात्रा स्वयं नितिं वय्त्यःगु खः।

यँ महानगरपालिकाया प्रमुख बिद्यासुन्दर शाक्य भगिनी सम्बन्ध स्थापित जूगु नगरया नागरिकलिसे सम्बन्ध बल्लाकेगु, थःम्ह थः साँस्कृतिक पक्षया कालबिल यायगु व नेपाल भ्रमण वर्ष २०२० यात प्रवर्द्धन यायगु महत्वपूर्ण अवसर नं जुड्गु बिश्वास प्वकादिल।

‘सः छगू फरक अभिव्यक्ति’या गुंगूगु ब्व

लयल्य पत्तिक स्वम्ह स्रष्टापिन्सं बाखं वाचन याना वयाच्वंगु ‘सः छगू फरक अभिव्यक्ति’ गुंगूगु ब्व वंगु सञ्चरवा: जुल।

थुगु ज्याइवल्य चिबाखं च्वमिपिं विजयरत्न असंबरे, माणिक उराय व न्हुच्छेभक्त कर्वापिन्सं थःथःगु चिबाखं वाचन यानादीगु खः।

ज्याइवल्य वाचन याःगु चिबाखंयात कया: साहित्यकार शाक्य सुरेनं समालोचना यानादीगु खः। वय्कलं चिबाखं धड्गु हाकलं चिहा:जक जुयां मगासे थुकिं नुगलय् तिकर्मावक थीगु गुन नं दय्मा:गु धयादिल। ग्वसा: खल:या दुज: साहित्यकार सुधीर खर्वावं लसकुस यानादीगु उगु ज्याइवल्य



साहित्यकार मोक्षबहादुर अमात्यं ज्याइवल्य चिबाखं वाचन यानादीपिं साहित्यकारपिन्त हनादीगु खः।

सुनिल बज्राचार्य न्त्याकादीगु उगु ज्याइवल्य ब्वति कयादीपिं पाहाँपिं मध्ये गोलाप्रथापाखे पुष्पराम मुनक:मियात सिरपा ल:ल्हा:गु खः। लयपत्तिक स्वम्ह स्वम्ह

साहित्यकारपिन्सं चिबाखं न्यंका वयाच्वंगु थुगु ज्याइवल्य आ: तकया दुने नीन्याम्ह साहित्यकारपिन्सं थःथःगु साहित्य वाचन यानादीधुंकुगु दु। थ्व हे इवल्य छक्व: नांजा:म्ह साहित्यकार मथुरा सायूमिया याक: रचनाय् चिबाखं मखुसे आधुनिक बाखं न्यंकादीगु खः।

उपलब्ध हुने सामानहरू


डेरी, मासु, बेकरी उद्योगकालागि चाहिने उपकरणहरू, प्याकिङ्ग मेसिन, प्याकिङ्ग मेटेरियलहरू, विविध केमिहलहरू तथा विविध औद्योगिक उपकरणहरू।



ठ्याकुम प्याकिङ्ग मेसिन



मिल्क सेपरेटर मेसिन



अटोमेटिक मिल्क फ्लोलाइजर सेट नेपाली सफ्टवेयर सहित

मिल्क क्यान



फ्रिम सेपरेटर मेसिन



प्लेट चिलर

श्रेष्ठ ट्रेड मेडिया

श्री लाल भवन, १३ टंकेश्वर (छाउनी जाने बिष्णुमति पुलसंगै) काठमाडौं, फोन : ४२७०६८८/९८५१०८८९५२

Email: lal265shrestha@gmail.com, laltc@hotmail.com

A House of Dairy Equipment & Chemicals

साना डेरी उद्योग सञ्चालन गर्न आवश्यक प्राविधिक तथा आर्थिक सल्लाह

Email: laltc@wlink.com.np

सेमिनार वा कार्यक्रमया नितिं लञ्च बक्सया डोर टु डोर सर्भिस यायगु नं व्यवस्था दु। नापं स्पेशल कुल्फी व बर्थ डे केक नं उपलब्ध दु।



Delicious Sweets



बिग बेल
BIG BELL
Sweet & Snacks Pvt. Ltd.

Kamaladi, Ganeshthan
Kathmandu, Nepal
Tel: 01 4247075, 014244323



छत्रपाटी निःशुल्क चिकित्सालय
२०१३

उपलब्ध सेवा

२४ सै घन्टा सेवा

- आकस्मिक सेवा
- प्याथोलोजी
- एक्स-रे
- ई.सि.जी.
- इको
- वासः पसः
- अन्तरंग सेवा

शल्यक्रिया

- मोतिबिन्दु
- जनरल सर्जरी
- न्हायपं, न्हाय, जापः
- हाड जोर्नी नशा
- पिसाव नलीया पत्थर बिना चिरफार

बहिरङ्ग सेवा

- मुटु लव्य
- प्वाःया लव्य
- युरोलोजी
- मिसा लव्य
- मचा लव्य
- वाया लव्य
- मिसा लव्य

अन्य सेवा

- जनरल मेडिसिन
- चर्म तथा यौन लव्य
- न्हायपं, न्हाय, जापःया लव्य
- जनरल हेल्थ चेकअप
- थाइराइड व मधुमेह लव्य
- चिकित्सा मनोरोगविद परामर्शदाता सेवा
- ड्रेसिङ्ग
- ईण्डोस्कोपी
- कोलोनोस्कोपी
- फिजियोथेरापी
- अल्ट्रासाउण्ड, कलर डप्लर व इको
- युरोपेली स्तरया दन्त प्रयोगशाला



२४ घन्टा
ईमरजेन्सी सेवा

७०८ गंगालाल मार्ग, छत्रपाटी, काठमाडौं, फोन : ४२१६१३८, ४२५७९१९, ४२६६२२९, E-mail: cfclinic@mail.com.np, www.free-clinic.org.np